

Federalno ministarstvo rada i socijalne politike - Jedinica za implementaciju projekata socio-ekonomske podrške, obuke i prezapošljavanja (PIU SESER) i

Federalni zavod za zapošljavanje, raspisuje:

**JAVNI POZIV NEZAPOSLENIM OSOBAMA
da se prijave za učešće u Programu: Samozapošljavanja**

Bosna i Hercegovina je aplicirala za kredit kod Međunarodne asocijacije za razvoj (IDA) u cilju implementacije projekta Podrška mrežama socijalne sigurnosti i zapošljavanja (SSNESP) i namjerava utrošiti dio sredstava kredita za implementaciju aktivnih mjera na tržištu rada. Finansijska sredstva za programe se obezbjeđuju putem Federalnog ministarstva rada i socijalne politike - Jedinice za implementaciju projekata socio-ekonomske podrške, obuke i prezapošljavanja (PIU SESER) i Federalnog zavoda za zapošljavanje. Broj korisnika programa i finansijska sredstva ograničena su po kantonima Federacije BiH. PIU SESER i Federalni zavod za zapošljavanje, u saradnji sa kantonalnim službama za zapošljavanje, pozivaju nezaposlene iz ciljne grupe projekta da se prijave na Javni poziv.

CILJNE GRUPE

- 1. Nezaposlene osobe kojima prestane pravo na primanje gotovinskih transfera, registrovane na evidenciji nezaposlenih osoba u FBiH, i to:**
 - 1a. Osobe sa onesposobljenjem (civilne, ratne vojne, civilne žrtve rata); Potreban dokaz: rješenje o prestanku prava na invalidninu, i/ili na ortopedski dodatak, i/ili na dodatak za njegu i pomoć.
 - 1b. Demobilizirani borci (koji su bili korisnici prava iz Zakona o pravima demobiliziranih branilaca i članova njihovih porodica). Potreban dokaz: rješenje o prestanku prava na novčanu naknadu.

- 2. Nezaposlene osobe koje spadaju u ugrožene kategorije registrovane na evidenciji nezaposlenih osoba u FBiH, koje su teško zapošljive, i to:**
 - 2a. Osobe nezaposlene duže od 12 mjeseci, u kontinuitetu; Potreban dokaz: uvjerenje o nezaposlenosti.
 - 2b. Osobe starosne dobi preko 40 godina, nezaposlene duže od 3 mjeseca u kontinuitetu; Potreban dokaz: uvjerenje o nezaposlenosti.
 - 2c. Socijalno ugrožene osobe - korisnici prava na stalnu novčanu pomoć; Potreban dokaz: Rješenje izdato od Centra za socijalni rad.
 - 2d. Bivši štíćenici domova za nezbrinutu djecu, starosne dobi do 30 godina; Potreban dokaz: Rješenje izdato od Centra za socijalni rad i/ili Doma za nezbrinutu djecu.
 - 2e. Źrtve nasilja; Potreban dokaz: potvrda o statusu Źrtve nasilja (sigurna kuća, mup, csr, nadležni Sud).
 - 2f. Osobe sa statusom člana domaćinstva u kome ni jedan član nije zaposlen. Potrebni dokazi: uvjerenja o nezaposlenosti i kućna lista.
 - 2g. Osobe sa statusom samohranog roditelja, staratelja, hranitelja. Potreban dokaz: Rješenje izdato od Centra za socijalni rad.
 - 2h. Osobe sa statusom roditelja djeteta sa posebnim potrebama. Potreban dokaz: Rješenje izdato od Centra za socijalni rad.

POTICAJNE MJERE

Programom sufinansiranja samozapošljavanja je predviđeno da se sufinansira samozapošljavanje ciljne grupe nezaposlenih osoba u poljoprivredi ili malom biznisu, s ciljem potpore poljoprivredi i ruralnom razvoju, kao i razvoju malih preduzeća. Samozapošljavanje u poljoprivredi ili malom biznisu podrazumijeva poticajna sredstva za registraciju poljoprivrednih gospodarstava ili malog biznisa za nezaposlene osobe koje imaju osnovne pretpostavke za bavljenje istim. Nezaposlena osoba se obavezuje da će samostalnu djelatnost obavljati najmanje 12 mjeseci, izvršavati obaveze definirane odredbama Zakona o radu i izvršiti prijavu na obavezna osiguranja: penziono-invalidsko, zdravstveno i od nezaposlenosti. Za tu namjenu predviđena su bespovratna finansijska sredstva, i to u iznosu od 2.200,00 KM po osobi.

PREPORUKA SAVJETODAVCA

Kao uvjet za apliciranje na program, nezaposlena osoba treba obaviti savjetovanje u nadležnom općinskom birou za zapošljavanje. Savjetodavac vrši procjenu opravdanosti za sudjelovanje u projektu u skladu sa osnovnim indikatorima projekta SSNESP - koliko će predmetno samozapošljavanje biti održivo? Savjetodavac izdaje pozitivnu ili negativnu procjenu o opravdanosti za učešće u programu. Nezaposlene osobe koje su dobile negativnu procjenu savjetodavca ne mogu sudjelovati u odnosnom programu. U slučaju negativne procjene, savjetodavac nije u obavezi da obrazlaže svoju odluku aplikantu.

PRIJAVA NA JAVNI POZIV

Nezaposlene osobe koje žele učestvovati u programu samozapošljavanja podnose nadležnom općinskom birou za zapošljavanje:

- zahtjev i K3-1 obrazac
- dokaz/e da osoba koja aplicira ispunjava kriterije postavljene ciljne grupe
- izjavu da u protekle dvije godine nije koristio/la sredstva za samozapošljavanje iz podsticajnih mjera Federalnog zavoda za zapošljavanje, kantonalnih Službi za zapošljavanje ili drugih institucija.
- kopija CIPS osobne karte i prijava mjesta boravka.

Nezaposlene osobe koje su prethodno koristile podršku po bilo kojem programu SSNESP-a, ne mogu sudjelovati u ovom Javnom pozivu.

Zahtjevi koji nisu u potpunosti popunjeni (uključujući i K3-1 obrasce) ili zahtjevi sa nekompletnom dokumentacijom neće se uzeti u razmatranje.

Obaveze nakon odobrenja sredstava

Ukoliko se nezaposlenoj osobi odobri zahtjev, kao uvjet za potpis Ugovora sa Službom, nezaposlena osoba dostavlja, najdalje u roku od 60 dana:

- JS 3100 obrazac - kopiju obrasca prijave na obavezna osiguranja kod Poreske Uprave, osobe čije se samozapošljavanje sufinansira (**datum prijave na obavezna osiguranja ne smije biti prije datuma odobrenja zahtjeva od strane komisije Službe.**)
- ovjerenu kopiju rješenja o registraciji obavljanja djelatnosti
- kopiju identifikacijskog broja
- broj računa registrirane djelatnosti kod poslovne banke
- u slučaju odobrenog avansnog plaćanja, sredstvo osiguranja plaćanja: bjanko mjenicu i mjeničnu izjavu

Sa podnosiocima zahtjeva kojima budu odobrena sredstva kantonalna/županijska služba za zapošljavanje zaključit će ugovor kojim će se utvrditi način finansiranja i prava i obaveze ugovornih strana.

Obaveze korisnika

U toku dvanaest (12) mjeseci, protekom svakog mjeseca, dostavljati dokaze o isplaćenim plaćama i uplaćenim porezima i doprinosima (potpisane i ovjerene platne liste i specifikacije plaća ovjerene u Poreskoj upravi); Obavjestiti nadležnu kantonalnu službu za zapošljavanje o svakoj promjeni koja se može odraziti na izvršenje ugovornih obaveza potpisnika ugovora u roku od 8 dana;

Javni poziv ostaje otvoren do 30.06.2013. godine ili do utroška raspoloživih sredstava.

Obrasci za apliciranje za Program dostupni su u nadležnom općinskom birou za zapošljavanje i nadležnoj kantonalnoj/županijskoj službi za zapošljavanje. Prijave poslodavaca za učešće u Programu sa potrebnom dokumentacijom dostavljaju se neposredno ili poštom nadležnom općinskom birou za zapošljavanje.